



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

3. Concessionis causa, quando adhuc durare videatur, & quomodo cesset.

urn:nbn:de:hbz:466:1-10316

PRÆTER alia, bona Ecclesiastica gaudent privilegiis ita, ut sine exceptione † nullus Episcopus de rebus ecclesiæ, quidquam donare, commutare, vel vendere possit, nisi forte aliquid horum faciat, ut meliora prospiciat, & cum totius cleri tractatur, atque consensu id eligat, quod absque dubio sit ecclesiæ profuturum, quia Episcopus rebus ecclesiæ tanquam commendatis, non tanquam propriis, uti potest, & irrita erit Episcoporum venditio, & commutatio rei ecclesiæ, absque omnium conniventia, & subscriptione clericorum, ut inquit, text. in cap. sine exceptione. 12. q. 2. sed nec sufficit consensus Episcopi, & clericorum, quia c. sine exceptione fuit correctum per extravag. Ambitiosæ, de reb. Eccl. non alie: & alijs constitutionibus, de quibus infra dicitur.

2 An † autem dicta extravagans procedat, & habeat locum in quibuscunque bonis, etiam in feudum vel emphyteusim perpetuam concedi solitis, quod in eventum devolutionis reinfendari, aut de novo in emphyteusim concedi non possint, & in rebus sterilibus, ac modici valoris, est distinguendum.

3 Primò quia, aut causa † concessionis aliàs facta adhuc durat, aut non. Si adhuc durat, ut, si quando Rector in evidentem ecclesiæ utilitatem dedit prædium sterile laico, qui habebat aquam propriam, & particularem, cum qua irrigando prædiū maximam fœni quantitatem percipiebat, in casu devolutionis poterit de novo concedi domino illius aquæ, sine aliqua juris solennitate, si cessante aqua prædium ad pristinam sterilitatem foret reversurum; quia tunc durat prima causa concessionis, & in his terminis procedit text. in cap. 2.

de seu. & ibi Abb. an. n. 1, ut declarat Abb. Panor. in c. ut super nu: 11, vers. ego crederem de reb. Eccl. non alie. quem sequitur Rebuff. in comp. alie. rer. eccl. nu. 33, & Red. in q. 12. n. 55. & 56. eo cit. & in eisdem terminis procedit limitatio posita in extrav. Ambitiosæ: præterquam de reb. & bonis in emphyteusim ab antiquo concedi solitis; quia licet res semel effecta alienabilis, semper duret, alienabilis, ut in l. pater. §. quindecim. de leg. 3. Bar. in l. 1. n. 8. C. de imp. lucr. de ser. l. 10. & ibi Rebuff. n. 10, Cyn. in l. si. in prin. C. qui cau. rest. in integ. non est neceß. & Red. cap. 12. n. 51. & 52, hoc procedit, alio non superveniente de novo, sed per dictam extravag. Ambitiosæ. in rebus Ecclesiasticis fuit jus antiquum correctum, quod etiam in bonis solitis alienari, tunc in evidentem ecclesiæ utilitatem. Et si cesset prima causa concessionis, cessat etiam causa illius renovationis, c. cū cessante. de appella. cū alijs per Tirag. congestus in tract. c. ff. cau. par. 1. limit. 22, n. 1, & Rot. in nov. par. 1, dec. 360, n. 7. & 8.

Si verò cessat prima causa concessionis, ut, si fuit datum prædium sterile, ut ad culturam reduceretur, si illa res postea ad ecclesiam revertatur, prima causa concessionis cessat, & prædium devolutum sine nova causa alienari non potest. Abb. in d. c. ut super eo: n. 11, & Redo. dicto c. 12, n. 57, & 58. & extravag. Ambitiosæ, ubi limitat prohibitionem, præterquam in casibus à jure permisis, ac de rebus, & bonis in emphyteusim ab antiquo concedi solitis, sequitur; & tunc cū ecclesiarū evidentititate, quæ utilitas, advenient casu novæ concessionis, tunc est attendenda, quia dictio, tunc, extremitatē temporis significat. l. 4. §. 1, juncta gloss. in ver. tunc, & ibi Bart. ff. de

condit. & demonstra. & in l. lecta. nu. 7. ff. si ser. pet. Dec. cons. 89. nu. 3. & cons. 523. n. 4. & Paris. cons. 26. num. 9. volum. 2. & sic tempus elapsum primæ concessionis. glo. in clem. 1. in verb. extunc. de jur. patr. & Abb. in cap. pastoralis. num. 3. de except.

4 Secundo quod ad bona ¶ exigui valoris videtur, quod nec illa bona immobilia ecclesie donari, commutari, vel vendi possint. ut est text. in dicto capit. sine exceptione fere per totum. 12. questione secunda. capit. casellas 10 questione secunda, super quo formatur regula, præsertim instantibus verbis generalibus, quibus Leo Papa ibi usus fuit, videlicet sine exceptione decernimus, ne quis Episcopus de rebus ecclesie suæ quidquam donare, &c. quod nulla bona ecclesie, etiam pauci valoris, alienari possint, cum verbum, quidquam, ibi positum sit generale. quod nihil excipit gl. in extrav. com. cap. unic. ne sed. vac. aliq. innov. in verb. & si quidquam. & Joann. venit enim Princeps mundi hujus, & in me non habet quidquam cap. 14. in fin. confirmatur dicta regula, quia quicumque ¶ Episcoporum, presbyterorum, aut diaconorum oblitus Dei, & decreti prohibitivi immemor, in constitutum committentes prædium ecclesie magnam, vel exiguum, vel quidquam de jure ecclesie alienare tentaverit, & donator, & alienator, & venditor honoris sui amissione est mulctandus cap. quicumque. il. 1. 16. quest. 4. Rebuff. in comp. alien. rer. Eccles. numer. 58. & 59. Redo. de reb. eccles. non alienan. quest. 13. numer. 1. & 2.

6 Fallit tamen dicta regula, primo in bonis ¶ immobilibus parvi momenti, ut sunt terrulæ, & vineolæ. cap. terrulas. 12. qu. 2. & ibi Præpos. & Arch. & hic est unus ex

casibus à jure permittis à Paulo II. in d. extravag. Ambitiosæ, exceptus. & propterea si Episcopus alienat rem minimam, pœnam non incurrit, quia ista modica sunt exempta ab omni solemnitate, & juris dispositione, ut in d. cap. terrulas. Abb. in cap. ut super per illum textum. numero 14. de reb. Eccl. non alienan & Red. d. quest. 13. nu. 11. & 17. eod. tit. & rem minimam judicandam puto juxta ¶ mentem provincialium, & synodalium decretorum cujusque patriæ, cum in his attendatur loci consuetudo. cap. ceterum. & ibi Abb. nu. 4. de donat. & Red. in d. qu. 13. nu. 15.

8 Secundo terra ecclesie ¶ sterilis potest in emphyteusum concedi ei, cujus studio reducatur ad culturam cap. ea enim. §. perpetua quoque 10. quest. 2. cap. ad aures & ibi Abb. num. 1. de reb. eccles. non alien. & postmodum ad culturam redactæ hæredi eorum, à quibus suo, vel parentum suorum labore constitit esse ad culturam redactas, in casum devolutionis poterunt jure ad censum concedi, habita ratione utilitatis, quæ tempore renovationis investituræ faciendæ percipi possit, ut in d. c. ad aures. & ibi gloss. in verb. tunc. & Abb. nu. 4. cum aliis supra, & in dicta decis. 360. num. 7. allegatis.

9 Tertio pietatis ¶ intuitu. gloss. in cap. 1. 12. quest. 2. quia aurum habet Ecclesia, non ut seruet, sed ut erogat, & subveniat in necessitatibus: aurum Sacramenta non quærunt, neque auro placent, auro non emuntur, ornatus sacrorum est redemptio captivorum, & vera illa sunt vasa prætiola, quæ redimunt animas à morte: ille verus thesaurus est Domini, qui operatur, quod sanguis ejus est operatus, & nemo potest dicere, cur pauper